

張說子文集

張說之文集卷第六

雜詩

送趙二尚書

送郭大

送鄭大夫

送李侍郎

送趙順真

送崔長史

送兗公

送高唐州

送蘇頲

送王暎

餞岑廣武

送喬安邑

送任御史

送侍御

送李問政

送薛

送宋休遠

送梁知微

別平一師

送武員外

送尹補闕

送王光庭

南亭

別判官

別王熊

荅張岳州

別王十一

別燕公

別梁六入朝

送梁六

宴餞

送使

別王陵

別六卿楊

別高六戩

別蔣五問

別陳七

送北使

送趙二尚書彥昭北伐

虜地河水合邊城
備此時兵連紫關
路將舉白雲司
題劍榮中貴
銜珠盛出師
日華光組練
風色焰旌旗
投筆縛前起
橫戈馬上辭
梅花吹別引
楊柳賦新詩

送郭大夫再使吐蕃

大戎廢東獻漢使馳西極長策問酋渠猜阻自夷殛
容髮徂邊歲旌裘弊海色五年一見家妻子不相識
武庫兵猶動金方事未息遠圖侯才智苦節輪筋力
脫刀贈分手書帶加飡食知君萬里侯立功在異域

送鄭大夫惟忠從公主入蕃還字韻

風吹遙將斷龍旗送欲還傾都邀節使傳酌緩離顏
春磧沙連海秋城月對關和戎應賞魏定遠莫辭班
送李侍郎迥秀薛長史李景同賦水字

漢郡接朝廷幽并對烽壘旌旗按部曲文武惟卿士
薛公善籌畫李相威都鄙中冀分兩河長城各萬里

詩集六
藉馬黃金塞，蒐兵白狼水。勝敵在安人，為君汗青史。
送趙願真郎中赴安西

絕鎮功難立，懸軍命匪輕。復承遷相後，珍重任賢情。
將起神仙地，才稱禮樂英。長心堪繫虜，短語足論兵。
日授休明法，星教置陣名。龍泉恩已署，燕頤相終成。
月窟窮天遠，河源入塞清。老夫操別翰，承旨頌營平。
送崔二長史日知赴潞州

東山懷卧理，南省悵悲翁。共見前途促，何知後會同。
莫輕一筵宴，明日半成空。況爾離庭闕，思歸迷夢中。
同賀八送充公赴荊州

壽昔同聲友，騫飛出鳳池。風雲一蕩薄，日月屢參差。
此別黃葉下，前期安可知。唯怜楚南樹，不為歲寒移。

送高唐州

常時好閑獨，朋舊少相過。及不宣風去，方嗟別日多。
淮流春婉婉，汝海路蹉跎。百歲屢分散，惟言復幾何。

送蘇合宮頰

都邑群方首，商泉萬俗訛。變風須愷悌，成化佇絃歌。
疇昔珪璋友，雍容文雅多。振纓遊省闥，鏘玉宰京河。
別曲鸞初下，行軒雉尚過。百壺非餞意，流詠在人和。

送王駿自羽林赴永昌令

詩之集六
三
將星移北落神雨避東京為負剛腸譽還追強頂名
白雲向伊闕黃葉散昆明多謝絃歌宰稀聞桴鼓聲
同王僕射山亭餞岑廣武義得言字

聞道長岑令舊翼宰旅門長安東陌上送客滿朱軒
琴爵留佳境山池借好園茲遊恨不見別後綴離言

送喬安邑備

書閣移年歲文朋難復辭歡言冬雪滿懼別夏雲滋
外尹方為政高明自不欺老人驂馭往童子狎群嬉
日茂西河俗寂寥東觀期遙懷秀才令京洛見新詩
送任御史江南發糧以賑河北百姓

河朔人無歲荆南義廩開將興泛舟役必佇濟川才
花月臨江浦春雲歷楚臺調飢坐相望綉眼幾時迴
送王尚一嚴嶷二侍御赴司馬都督軍

漢掖通沙塞邊兵護草腓將行司馬令助以鐵冠威
白鷺鷹初下黃塵騎欲飛明年春酒熟留酌二星歸
送李門政河北簡兵

斗酒貽朋愛踟躕出御溝依然四牡別更想八龍遊
密親仕燕薊連年通寇讐因君閤河朔垂淚語幽州
送薛植入京

青組言從史鳴都忽見求欵言人向老飲別歲千秋

彷彿長安陌平生是舊遊何時復相遇究在水中流

送宋休遠之蜀仕

求殊友損益行道異窮申綴我平生氣吐贈薄遊人
結恩事明主忍愛遠辭親色麗成都俗膏腴蜀水濱
如何從宦子堅白共淄磷日月千齡且河山萬族春
懷鉛書瑞府橫草事邊塵不及安人吏能令王化淳
送梁知微渡海東

今日此相送明年此相待天上客星迴知君渡東海
別平一師

王子不平俗高駕眇難追茅土非屑眄傾城無樂資

宴坐深林中三世同一時皎皎獨性心不為網塵欺
謁來已復去今歲何來思迴首謝同行動會安清期
送武員外郎中春赴秀師嵩山塔下舍利

懷王泉戀仁者寂滅真心不可見空留影塔岩高下
寶玉四海轉千輪金壘百粒送分身山中二月娑羅
會虛唄遙遙愁思人我念過去微塵劫與子禪門同
正法雖在神仙蘭省間常持清淨蓮花葉來亦好去
亦好了觀車行馬不移當見菩提離煩惱

送尹補闕元凱琴歌

公善琴贈琴歌

鳳哉鳳哉啄琅玕飲瑤池栖崑崙之山哉中國有聖

人感氣飛來自歌自舞先王冊府麒麟之臺羈雌衆
雛故山曲其鳴喈喈其鳴喈喈欲往街之欲去來去
別鸞鳳心徘徊明年阿閭梧桐花葉開群飛鳳歸來
群飛鳳歸來

送王光庭

同居洛陽陌輕日懶相求及尔江湖去言別悵悠悠
楚雲眇霸冀海月倦行舟愛而不可見徒嗟方歲流
新都南亭郭大元振盧崇道

行徑女蘿蹊蓮州文右隄靜深人俗斷尋玩往還迷
碧潭秀初月素林驚夕栖褰毳納蟾影理琴聽猿啼

佳辰改宿昔勝寄坐睽攜長懷賞心愛如玉復如珪
相州前池別許鄭二判官景先神力

數步員塘水雙鳴戢羽儀一飛喬木上一返故林垂
淡泊含秋景虛明抱夜規無因留絕翰雲海意差池
岳州宴別潭州王熊二首

絲管清且哀一曲傾一盃氣將然諾重心向友朋開
古木無生意寒雲若死灰贈君芳杜草為植建章臺
又

縉雲連省閤溝水遽西東然諾心猶在容華歲不同
孤城臨楚塞遠樹入秦宮誰念三十里紅潭一老翁

奉答張岳州王熊二首

長沙辭舊國洞庭逢古人
薰蘭敦久要披霧轉相親
歲月方嗟老江山不惜春
忽聞黃鶴曲更作白頭新

又

平生共風月倏忽間山川
不期交淡水暫得款忘年
興逸方罷釣帆開欲解船
離心若危旆朝夕為君懸
余昔忝省閣與岳州張使
君潭州都督同官聯事後
承朝譴各自東西張公與
王都督別詩二首情頗殷
切余覽以耿嘆因遙申和
云

韋嗣立

茂先王佐才作牧楚江隈登樓正欲賦復遇仲宣來
黃鵠飛將遠雕龍文為開寧知昔聯事聽曲有餘哀

又

昔時陪二賢纓冕會神仙一去馳江海相逢共播遷
無因千里駕忽覩四愁篇覽諷懽何已歡從徒愴然
岳州別王十一趙公入朝

昔濫貂蟬長同承雨露霏今參魚鰲守望羨洞庭歸
浦樹懸秋影江雲曉落輝離魂似征帆恒往帝鄉飛
奉別燕公趙國公王琚

五載朝天子三湘逢舊寮扁舟方輟棹清論遂終朝

遠樹烟間沒長江地際遙帝城馳夢想歸帆滿風颭

岳州別梁六入朝

遠泣長沙渚欣逢賈誼才江山疲應接風日復晴開
江樹雲間斷湘江水上來近州朝鷺集古戍夜猿哀
岸杼含蒼採河蒲秀紫臺月餘偏地賞心盡古人盃
目我遠京路嗟君此汝洄容華因別老交舊與年顏
夢見長安陌朝宗實盛哉

奉別燕公

梁知微

華容佳山水之子厭承明符竹迂小郡江湖被德聲
三年計吏入路指巴丘城鳧舟總結攬騶駕已相迎

別離他鄉酒委曲故人情孤嶼早烟泊長波晚氣清
辛勤方遠驚勝賞屢難并迴瞻洞庭浦日暮愁雲生
送梁六自洞庭山作

巴陵一望洞庭秋日見孤峯水上浮聞道神仙不可
接心隨湖水共悠悠

廣州蕭都督入朝過岳州宴餞

孤城抱大江節使徃朝宗果是臺中舊依然水上逢
京華遙比日疲老颯如冬竊羨能言鳥嚙恩向九重
婚禮無知賀承家歎有輝親迎驥子躍吉兆鳳雛飛
溫席開華扇梁門換聚衣遙思桃李日應賦採蘋歸

嶺南送使三首

秋鴈逢春逐流人何日歸將予去國淚灑子入鄉衣
飢犬啼相聚愁猿喘更飛南中不可問書此是京畿

又

嶽中生白髮嶺外罷紅顏古來相送處凡得幾人還

又

萬里投荒裔來時不見親一朝成白首看取報家人

南中別王陵成崇

握手與君別岐路贈一言曹卿禮公子楚媼饋王孫
候爾生六翮翮飛戾九門常懷客鳥意會答主人恩